

En tschertga dal nov

Ils truclets e las surpraisas tar l'elecziun da Diego Deplazes sco nov secretari da la Lia Rumantscha

DAVID TRUTTMANN/FMR

Tge dis ti dal nov secretari? – Quai è senza dubi stada ina dumonda frequenta en il mund rumantsch dals davos dis, suenter la tscherna dal nov secretari general da la Lia Rumantscha, *Diego Deplazes* da Rabius. Gea, tge manegias ti dal nov secretari?

Cun responder a la dumonda vegnan tschertgads adjectivs. I vegnan tschertgads «chaschuots» e truclets per metter a pantun quest nov minister. Ed en quellas valitaziuns crodan lura descripzziuns sco «solid» u «pauc sorprendent». Ed ins sa dumonda, sche gist quellas duas descripzziuns n'èn betg schon ina disqualificaziun, avant ch'il nov secretari haja insumma pudì metter il pe en la Chasa Rumantscha a Cuira. «Solid» vul dir pauc auter che «lungurus», e «lungurus» è atgnamain il medem sco «pauc sorprendent».

Diego Deplazes n'è betg ina dunna. Damai èsi da spetgar vinavant sin ina dunna secretaria. Lain sperar betg anc ina giada 100 onns. Ma Diego Deplazes ha era autras «mendas»: El na discurra betg trais idioms parallel. El n'ha betg perdavants er anc en il Surmeir ed en Engiadin'Ota. El n'è betg da professiun a medem mument professor da lingua, pur, sco last, socialmedia-manager ed er anc dirigent da chor ed autur.

Però: Diego Deplazes ha qualificaziuns che pon esser bunas premissas per il job delicat: El ha experientscha en divers secturs professiunals (scola, socialessar, sanadad), el è ferm enragischà en in



Chattà in nov secretari en Chasa Rumantscha a Cuira.

FOTO LIA RUMANTSCHA

context rumantsch-sursilvan, el è detg giuven, el ha gia gronda experientscha da manar, el ha etabli traits politics. Quai è atgnamain bunas premissas per entschaiver a lavurar ed alura vegnir validà sin basa da quella lavur.

Idat numnadamain darar elecziuns en posts rumantschs che n'èn betg surpraisas: Tgi avess pensà avant in onn che Nicolas Pernet saja bainbaud il nov directur dad RTR? Nicolas ... tgi? – Tgi avess ditg avant trais onns che Flavio Bundi daventia schefredactur dad RTR? Flavio ... tgi? – Tgi avess ditg avant trais onns che Martin Gabriel, il «scarvon» da Glion, daventia secretari da la Lia Rumantscha? Ch'i dat surpraisas n'è damai betg propi sorprendent. Era ussa betg cun Diego Deplazes. Diego ... tgi? Probabel ina persuna enconuschenta en emprima lingua en la Cadi – en discussiuns e debattas rumantschas è Diego Deplazes però entant anc restà ina persuna discreta.

Pli sorprendent è però in'otra chausa che la comunicaziun

uffiziala da la Lia Rumantscha da gievgia passada ha senza dubi tashentà cun intenziun: Diego Deplazes è (anc) commember da la suprastanza da la Pro Idioms. Sch'ins guarda il svilup dals davos 10–15 onns è quai propi sorprendent: Che betg ina persuna engaschada en las uniuns affiliadas, mabain in suprastant da l'acziun Pro Idioms Surselva daventa ussa secretari da quell'uniun ch'è vegnida crititgada cun vehemenza ils davos onns da la Pro Idioms – quai è in veritabel coup! Ins po damai dir che la Pro Idioms haja fatg aifer mo circa diesch onns la via «tras las instanzas» ed ha ussa occupà in dals posts ils pli impurtants, sche betg il pli impurtant, en la politica da linguas rumantscha. Per cumparegliaziun: Quai fiss sco sche l'Operation Libero, ch'ha gudagnà ils davos onns ina u l'otra votaziun federala, avess en trais onns ina cussegliera federala e rumpess uschia tuttas furmlas magicas e tut las vias instituziunalas sur las partidas.

Però igl è era in pass logic e salidaivel: La Pro Idioms è al tga-

mun e po e sto ussa surpigliar responsabladad. Ella ha ussa il fil direct en Chasa Rumantscha, quasi il buttun cotschen telefonic. Ma i dovra urgentamain era la collavuraziun constructiva da vart da la Pro Idioms per il proxim temp, sco era da tut ils auters Grischs, nairs, cotschens e sgiagliads. Perquai ch'i dovra urgentamain propostas e respostas co ir enavant cun il rumantsch, cun quel scrit, discurrì e quel imaginà per il futur – senza restar fixà sin models da l'agen temp da scola, senza resguardar be l'agen microcosmos famigliar e sociocultural, senza restar fixà sin l'atgna raschun.

Idovra avertezza, creativad, elan, curaschi, in spiert integrativ ed i dovra propi pretensiuns cleras e veritablas surpraisas, surpraisas concretas ch'han plitost mancà ils davos onns, cun excepziun dad ina flotta party d'anniversari a Zuoz. Las immensas midadas digitalas e demograficas dal mument na spetgan betg che nus Rumantschas e Rumantschs ans mettian a fimar la pipa da la pasch. Il mund rumantsch sto (pudair) debattar, discutir e tschertgar soluziuns.

Gea, prezià Diego Deplazes, forsà dovri era mintgant in pass genial sco quel da «Diegito» Maradona per il terz gol en il final dal 1986 encunter ils Tudestgs, circumdà da quatter adversaris. U per discurrer cun in auter maletg: Enstagl da far urden cun truclets e metter a pantun la gliued, èsi ussa dad avrir ils truclets, prender ora las iseglias tradiziunalas e novas e lavurar vi da las surpraisas.